摘藻堂四庫全

書薈

要 经 部

欽定四厚全書管要經部

詳校官祭酒臣幸誠恒

震龍 遭勞王假之勿憂宜日中 一致定四庫全書曾要卷三百四十二 經部 一豐亨者豐盈盛大之時自有亨之義也王假之者天 ここう」」ここ 主之所爱也然則徒憂乎作易之聖人為之戒曰勿 君者於是時其喜乎其憂乎曰此庸君之所喜而賢 下歸往謂之王假至也非天下歸之曷以致此為人 學易記下經卷六 李簡 撰

录曰豊大也明以動故豊王假之尚大也勿憂宜日中 而沉於人乎沉於鬼神乎 宜照天下也日中則民月盈則食天地盈虚與時消息 豊大也明以動故豐以二體言也非明无以照非動 无以行明動相資故能致豐大也王假之尚大也者 **医而當姦則豐可守矣** 南軒曰己无暗德下无隱情使天下晓然其得以藏 徒憂也宜如日之方中廣照天下而无私无敬也 7 7 7 7 7 1 道生易也哉 於豐威之時而為此誠欲其守中不至過盛處豐之 謂盛衰消息謂進退天地之運亦隨時進退也聖人 宜 中宜照天下也者言守豐雖可爱然不可以徒憂也 謂所有旣大其保之治之之道亦當大也勿憂宜日 有蝕天地之盈虚尚與時消息況人與鬼神子盈虚 難而守豐尤為難日中盛極則必是月既盈滿則 如日之方中廣照天下而无偏蔽也伊川曰致豐 學易記下經 =

象曰雷電皆至豊君子以折獄致 鉑 劉氏曰天地盈虛謂陰陽之氣也陽氣自子而息漸 定匹库全意 長而至於盈自午而消漸衰而至於虚陰則反是此 者以威其姦惡唯斷乃成故君子觀象以折獄致 動也威斷之象折獄者必照其情實惟明克允致 伊川曰雷電皆至明震並行也離明也照察之象震 節蓋言豐盛之不可常也 卷六 刑 刑

初 横 使罪人 獄 勅 白 折 刑 遇其配主雖自无咎 雲曰噬嗑 獄 法以申戒之豐既 致 者謂斷決其獄解子路之片言折 刑 服 民不惑矣 致 動 刑者謂 如天大之至也動於上而明於下故折 ハブ 求明 眀 致之於刑也 往 方動 而 有尚象曰 後 動 丙 則无疑矣故折 有 明 雖旬无咎過 有 不明 **微調片言可** 故 獄 明 句 罰 致

學易記下至

渠曰盛明

災 歃 b 者 伊 定 相 初 匞 旬 也 資 宜 相)1] 庫 須 岡门 抬 如 故 相 曰 全 須 初 猶 明 下之 西已 丰 謂 動 天 形 ŀχ 天 附 成 下之 ン人 影 相 四 為 資 其 F 配 相資猶表 敵 相 君子 配 用 致豐之道非 應者 主 故 則安肯相 故 雖 己 所 旬 初 常 裏 而 初 配 於 非 均 也 從 四 相 明 九 唯 配 應 云 无 敵 明 豐之 之初 配 雖 位 ン人 如 隂 聪 則 匹 四 初 非 於 稱 相 九 2 状 應 動 應 初 四 四 動 用 陽 就 无 其 云 之 夷 則 Z ンス 用

たこりるとう 其適為主斯无過旬之災也 之 潘氏曰其應在四配也均為陽剛句也明 也性 白雲曰初以四為配主四以初為夷主选自為貧而 而先已是過旬也一求勝則不能同 后) 而 力均者在乎降己以相求協力以從事若懷 私有加上之意則患當至矣故曰過旬災也均 而相從則能成豐故云有尚有可嘉尚也與 學易記下經 矣 動相資雖

相資其應則相成故雖均是陽剛相從而无過

公

象曰有孚發若信以發志也 六二 豐其部部日中見賢過 斗往得疑疾有乎發若古 閤 中盛明之時而斗星見者日間故也君既昏闇必无 明 不能成其豐大之功六五柔闇之君也无咎上六猶 動 无咎然二剛 加以上六掩之乎部 相資乃能成豊六二文明中正以 者五君 位日之象也斗陰象畫不應見今日 相遇可往不可過也 周匝之義用障蔽之物 所應不足與

Ĺ

卷六

欠 九三豐其沛日中見沫折其右肱无咎象曰豐其沛不 定四車至書 發其志意則得行其道乃為吉也 能下求於己己若往求之反得疑猜忌疾暗主如是 耳管仲之相桓公孔明之輔後主是也若能以誠信 可開也雖柔弱可輔也雖不正可正也古之人事庸 盡其至誠感發其志意而已茍誠意能動則雖昏蒙 君常主而克行其道者已之誠意上達而君見信篤 也然則如之何而可夫君子之事上也不得其心則 學易記下經 取伊 Ā

可大事也折其右肱終不可用也 居 斾 伊 相資而成三應於上上陰柔又无位而處震之終 也幡 則止矣不能動者也沫星之微小 之甚也豐之時而遇上六日 明體之上陽剛得正本能明者也豐之道必明 遇明 曰沛字古有作 慢圍敝於內者豐其沛其暗更甚於部也三 君 則能有為於天下上无可賴不能有為 旅字者王輔 中 嗣以為幡 而見沫者也賢 无 名 一數者見沫 慢則是 動 既 知

當也日中見斗坐不明也遇其夷主吉行也 能致豐大也夷主其等夷也居大臣之位而得在下 雷氏曰左手足不如右強折其右肱无可用之力也 四豐其部日中見斗遇其夷主吉象曰豐其部位不 才而上六不可以有為故曰折其右肱无咎 如人之折其右肱也无咎謂无所歸咎也 川曰四雖陽剛為動之主然遇陰暗柔弱之君豈 公曰脏輔上體者也九三遇豐之時有可大事之

灾足日产全書 一

學易記下經

誠 居於動者知求明以為主象言位不當者非中正也 遇其夷主則行斯吉矣 之賢同徳相輔 君子之剛而有為者也其如上六之小人揜六五之 白雲曰初四迭自為賔惟足於明者知求動以為主 齊曰居近君之地處動卦之初有陽剛之德此亦 主 而啓其明也而況九四乎然猶幸其下有初九之 而 不可以有為乎六二中正大臣且不能發其 其助豈小哉故吉也


大色日子八書 一 六五來章有慶譽吉象曰六五之吉有慶也 若能來致在下章美之才而用之可以有福慶及於 伊川曰五以陰柔之才為豐之主固不能成其豐大 無知常何 天下復得名譽之美所謂吉也章美之才主二而言 居陰也九四高則顏讎由司城貞子次亦不失為魏 曰夷主者同德相應而為等夷也曰位不當者以陽 學易記下經

賢來主於我而我為之主吾道其庶幾可行乎故吉

上六豐其屋部其家閱其戶間居沒其无人三歲不閱 凶象曰豐其屋天際翔也闚其戶閒其无人自藏也 自 者資諸物而為用也 龔氏曰易有含章有來章含章者有待而發也來章 然初與三四皆陽剛之才五能用賢則彙征矣 固權寵之術曰天子不可伶別常宜以奢靡娱其耳 亡親君子則小人跳斥矣故內臣仇士良赦其徒以 古 陰邪小人蒙蔽其君之明者何君明則必憂危 卷六

其家而空其居也故曰窮大者必失其居三歳不覿 則吾董踈斤矣此叔世之小人傳心術之秘於其徒 慎 汝之揜君之明欲豐乎己之屋而專天寵者適所以揜 也聖人於易逆發其心之至隱而曉以禍之父然日 目使日新月盛无暇更及他事然後吾輩可以得志 者謂自此三歲其家无復有人跡也凶莫大馬 勿使之讀書親近儒臣彼見前代興亡心知危懼 翔者謂若天飛也自藏者謂自取滅亡之既也西 V 學易記下經

新院改存在寸 漢業壞而張趙誅士良小人但 言自古姦臣之所未道為人主者冝寫此一通置之 而不知國敗家亡則權寵亦无自保之理然士良之 失所況左右之臣其有得其所乎秦室危而斯高像 主親賢講學則天下安民蟲草木亦皆得所况左右 之臣其有不得所乎反之則天下亂昆蟲草木亦皆 山真氏論曰士良所謂可以得志者則未然也夫人 側火近儒生火親經史則奢靡不能惑姦佞不能 知以竊權固寵為禁



乎剛也下艮止上離麗止而麗於明也柔順而得 明 外之中所止能麗於明是以小亨得旅之貞正而吉 各適其宜而旅為難處故稱其時義之大 伊 旅因之時非陽剛中正有助於下不能致大事也 則不失時宜然後得處旅之道天下之事當隨時 氏曰去父母之國旅寄於他邦太剛 川曰六上居五柔得中乎外也麗於上下之 得在外之中中非一揆旅有旅之中也止麗於 則人所不容 剛 川莧 在

鉑

定匹

内を言

象曰山上有火旅君子以明 伊 雷氏曰山有火則燎草木勢不久留 友其士之仁者此止而麗乎明之道也 行不處之象則不留獄 太柔則己无以立故貴乎得中 慎用 川曰火之在高明无不照君子觀明照之象則 上曰君子為旅擇其君之明者事其大夫之賢者 刑明不可恃故戒於慎明而 學易記下經 **徽者不得已而設民有罪** 慎用 刑而不留獄 止亦慎象觀

初 誠 六旅瑣瑣斯其所 則滯故欲不留艮止故謹火行故不留而 也當旅困之時才質如是上雖有援无能為也四陽 人豈可留滞淹久也 處旅困而 川曰六以陰柔在於旅之時處於甲下是柔弱 齊曰刑不明則宽故欲明過 国 鄙 **瑣細无所** 在早暖所存污下者也志甲之人既處 取災象曰旅瑣瑣志窮災也 不至乃其所以致悔辱取災咎 明則察故欲謹過 明 一謹

欽

定

匹庫

全書

表

處不失當故能保其所有童僕亦盡其忠信次合旅 所暫安之所也財貨旅所資也童僕旅所賴也得就 伊川曰二有柔順中正之徳柔順則衆與之中正則 言則謂災患耳 二旅即次懷其資得童僕貞象曰得童僕貞然无尤 學易記下經 <u>+</u>

位者異矣志意窮迫自取災也災眚對言則有分獨

性而離體亦非就下者也又在旅與他卦為大臣之

矣以旅與下其義喪也 九三旅焚其次喪其童僕貞厲象曰旅焚其次亦以傷 一一 一 一 一 一 一 一 其助矣終何尤哉六二柔順中正故其善處如此 助則處旅之善者矣童僕以助上為正得其貞則得 因不得其助則因今安即其次懷其資又得重僕之 白雲曰旅幾於困者也不得其安則困不得其資則 悔矣柔弱在下者童也強壯處外者僕也 次舎懷畜資財又得童僕之貞良旅之善也終无尤

九四旅于處得其資斧我心不快象曰旅于處未得位 旅焚失其次合亦以困傷矣與下之道如此義當喪 其次失所安也上離為焚象過剛則暴下故下離而 高致困災之道也自高則不順於上故上不與而焚 居下體之上與民之上有自高之象在旅而過剛自 喪其童僕之貞信謂失其心也如此則危厲之道也 伊川曰處旅之道以柔順讌下為先三剛而不中又 學易記下經

也得其資斧心未快也 次乃旅人之傳含可以暫安非可久之所也處者旅 可安可久之所也資謂資財於謂器用九四當羇

飲定匹庫全·元 | □

旅之時以陽居陰雖得其處與其資斧而未得正位 以行其志故其心有所未快也君子之快何如使是

於齊非我志也其此爻之義乎或曰先儒皆以次重

君為堯舜之君使是民為克舜之民是也孟子曰久

於處子獨以為處安於次何也曰春秋云師次師卦

六五射雉一矢亡終以譽命象日終以譽命上建也 アモヨート 書一人 於文明之道而必合如射雉一矢亡之發无不中則 終能致譽命也譽今聞也命福禄也五居文明之位 有文明之德故動公中於文明之道也 伊川曰六五有文明桑順之德處得中道而上下與 之處旅之至善者也離為难文明之物射雜謂取 云左次俱非久義或出或處擇不處仁皆久安之 采白 學易記下經

天子无德則太康厲王自天子而為旅人有天下者 該齊曰六五王者之蒙塵而在旅者也少康逃虐 命在天者也天聽自我民聽上逮者其道登聞於天 白雲日終以譽命者終譽以致天命也譽在人者也 可不懼乎上逮謂上達乎天也離為雉戈兵故曰射 之國宣王匿名公之家所謂禍亂之作天所以開聖 《其族之六五乎故有徳則少康宣王自族人而為 一矢亡

旅在上其美校也喪牛于易然莫之聞也 一九鳥焚其巢旅人先笑後號咷喪牛于易必象曰以 故先笑既而失安莫與故號咷輕易以喪其順德所 伊川曰鳥飛騰處高者也上九剛不中而處最高故 也蓋言人君修德於身終致文明之盛下得百姓之 取鳥象在離上為焚象陽剛自處於至高始快其意 不已蓋未有不得於人而能受命者也 心而上受天命也猶文王受命作周之詩而言令聞

子の記下陸

三異工 得志而笑不知喪其順徳於躁易是終不自聞之也 雷氏曰鳥巢高而危者也故為上九之象以王烈之 使自覺知則不至於極而號咷矣陽剛不中而處極 豈能保其居其義當有於無之事方以極剛自高為 故有高亢躁動之象而火復炎上則又甚馬 賢尚不能安遼東況其下者乎 以凶也在旅之時謙降和桑乃可自保以尊高自處

飲定匹庫全書

巽小亨利有攸往利見大人 巽乃小亨者允柔在外用柔也異柔在内性柔也異 從陽故利有攸往然必知所從乃得其正故又曰利 晦菴口異入也一 也其象為風亦取入義陰為主故其占為小亨以陰 之亨所以小也 伊川曰巽與光皆剛中正巽光義亦相類而光則亨 伊川曰一陰在二陽之下異順于陽所以為異也 一陰伏於二陽之下其性能異以 學易記下級 十五

表曰重異以申命剛異乎中正而志行桑**皆順乎剛是** 以小亨利有攸往利見大人 見大人 劉氏曰以陽下陰為謙有功而不徳者也以陰順陽 為異直自早異而已其亨亦小矣 之義也申亦重也陽剛居異而得中正異順於中 上順道以出命下奉命而順從上下皆順重巽申命 之道也陽性上其志在以中正之道上行也又上下

新定匹库全言

卷六

R E 目 平 A L 5 象曰隨風異君子以申命行事 漢上曰巽為風風者天之號令故巽為命內巽者命 相繼以順之象而以申命令行政事 伊川口兩風相從隨風也隨相繼之義君子觀重異 之大人則為利故利見大人也則說伊 故利有攸往然必知所從能異順於二五陽剛中正 之始也外異者異而達乎外申前之命也申命義叔 之柔皆異順於剛故能小亨也異順之道无往不入 學易記下經 十六

初六進退利武人之貞象日進退志疑也利武人之貞 育徳皆主巽而言也由是觀之則巽之命可順之命 也命或不可順而欲以剛強之亦難矣哉 故觀則省方觀民設教始則施命告四方蠱則振民 再命之也 初以桑居下為巽之主過於甲巽故有進退不果之 白雲曰君子之徳風也易於異主教命猶詩言風也

往

卷六

九二巽在牀下用史巫紛若吉无答象曰紛若之吉得 異之時特為九二體剛恐不能異而戒也亦猶夫子 異在林下過於異也過異者固非聖人之中道然當 之谷子路曰有父兄在如之何其聞斯行之戒之過 宜矣故孔子語冉求以間斯行諸縣聯 期於得中者惟施之於九二則可不然殆且過矣雖 象若以武人之剛貞立其志而濟其所不及則得其 學易記下經

九三頻異本象曰頻異之本志窮也 中遂期以得中之言使之知節也紛若之吉猶詩言 通誠意於神明者也以之事上以之接物異而誠若 然異順之道誠則為謙為恭不誠則諂矣祝史巫覡 爻恐剛不能異故以過異之言戒之象恐過異而失 用史巫而交神明馬如是則獲紛若之吉而无咎矣 百禄是何降福穰穰言其多也 以陽剛在下體之上而不得中居異順之時非能異

一一節定匹庫全書

钦定日車全書 六四悔亡田獲三品象曰田獲三品有功也 獲分三品一為乾豆一供實客與充庖一須徒御四 能異於上下之陽如田之獲三品謂遍及上下也四 也以異臨下異於下也善處如此故得悔亡田獵之 正在上體之下居上而能下者也居上之下異於上 者也勉而為之故屢失也頻失而頻異是其志窮困 伊川曰承乗皆剛宜有悔也而四以陰居陰得異之 不得已而後異為可少之也以伊 學易記下經

古象曰九五之古位正中也 九五貞吉悔亡无不利无初有終先庚三日後庚三日 客三為充君之庖 禮王制天子諸侯无事則歲三田一為乾豆二為賓 之地本有悔以處之至善故悔亡而復有功

故貞吉悔亡而无不利也剛以巽而後貞吉桑以巽 剛當異時宜有悔也然九五居尊異乎中正而志行

而後有功貞吉則无太過有功則无不及是以四五

钦定四車全書 一 中命之者慎之至也慎之至者令出惟行弗惟反故 後之以多士多方即先庚後庚之意也先後三日而 語丁寧使民不惑也盤皮遷都先之以上篇之書後 難與慮始也甲者事之端原者變更之始十千戊己 皆得異道而悔亡也无初有終者謂有所變更而民 為中過中則變故謂之庚事之改更當三今五申記 之以中篇下篇之書成王化商民先之以名語洛語 學易記下經

喪其資斧正乎凶也 上九巽在林下喪其資斧貞公家曰巽在林下上窮也 雷氏曰九五變則為鹽鹽者事之壞亂而當更之時 伊川曰牀人所安也在牀下過所安之義也九居巽 也先庚三日先事而圖之慎其始也後庚三日後事 而戒之慎其然也 之極過於巽者也資所有也斧以斷也陽剛本有斷 以過異而失其剛斷失其所有喪資谷也居上而過

逸樂將以順易位而以位易宗故司馬遷論之曰持 喪其權勢李斯憂蒙恬之代其相則順趙高廢立之 權勢而患失之心生故父極其異順阿諛以保其所 誠齊曰位極乎人臣身極乎崇高爱其所有之富貴 **非課懼失其爵禄而來客則順二世之欲而勸之以** 有不知順愈過而身愈危也故小則喪其資用大則 日得為正乎復斷之日乃丛也 學易記下經

極於異至於自失在正道為凶也異本善行故疑之

兒亨利貞 之象 爵禄之重阿順尚合可謂洞見其肺肝矣 伊川口兌說也說致亨之道也能說於物物莫不說 也其象為澤取其説萬物又取坎水塞其下而不流 晦菴曰光説也一陰進於二陽之上説之見於外者 而與之足以致亨然非道求説則為邪諂故戒利於

鱼定匹库全建一人

にこり うこころ 與場別下經 **彖曰允說也剛中而桑外說以利貞是以順乎天而應** 乎人說以先民民忘其勞說以犯難民忘其死說之大 陽剛居中中心誠實之象柔文在外接物和柔之象 白雲曰允說有道得其道則能順天而應人以盡天 故為說而能真也 貞正也 伊川曰一陰居二陽之上陰說於陽而為陽所說也

一面定匹月在三二 勞禹之治水是也死而忘死湯之東征西怨是也 我以生我也是以說而自動也夫動民與民自動相 誠齊曰好逸惡勞好生惡死人之情也勞而忘勞死 先則民可忘死 知其勞且死也曷為而說也知聖人勞我以逸我死 去逐矣是以聖人大之曰說之大民勸矣哉勞而忘 而忘死非人之情也非人之情而忘之者說而不自 下之大公說在事為之先則民可忘勞說在患難之

初九和光古象曰和光之吉行未疑也 象曰麗澤名君子以朋友講習 九二字光吉悔亡象曰字光之吉信志也 者也故吉行未疑者初未有私欲之害而行之不疑 有滋益之象朋友講習互相益也 伊川曰麗者附著相連之意两澤相麗文相浸潤互 以陽居下處說之初正而无所私係所謂和而不同 學易記下經

六三來兌凶象曰來兌之凶位不當也 内充自守不失故吉而悔亡心之所存為志二剛實 此未有事是君為容說者也 徇外忘内物我兩失之剛中之賢固如是乎有賢如 白雲曰使有心求說於天下而不知信其在我者則 居中孚信存於中也志存誠信豈至說小人而自失 伊川曰承比陰桑之小人宜有悔也剛中之德孚信

一金定正库在走

九四商紀未寧介疾有喜象曰九四之喜有慶也 2 2 2 2 2 2 4 10 是以凶也 處非正三陰桑陽所說也故不能決而商度未寧謂 說所以凶也 擬議所從而未能有定也兩間謂之介分限也地之 伊川曰四上承中正之五下以菜邪之三雖陽剛而 白雲曰來光來說也說自有道其可求乎失道求說 伊川曰處不中正比於在下之陽枉已非道就以求 學易記下經 2/0

新定匹居在言 1 時彷徨馬躊躇馬商推而謹擇馬其心安得自寧也 誠齊曰允說一也而所以說者二有事君容說者有 君以行道福度及物為有喜也若四者得失未有定 界則加田義乃同也故人有守節謂之介從五正也 說三邪也四近君之位若介然守正疾遠邪惡將得 何哉懼容說之小人有以妄說而病吾君之心也君 以安社稷為說者也九四近君之臣也故於允說之


钦定日事公告 家之大慶也故魏徴用而封倫沮李絳入而承难去 六三不喜則九四有喜矣非九四之私喜也天下國 中正四亦難乎其有喜也六三者君心之膏肓也九 之使不得近於九五其不為疾者解矣然非九五之 四者膏肓之箴义也故九四者六三之所甚不喜也 三之來允即容說之小人也非九四之剛正介而腐 心裕民彼病之以聚斂君心静治彼病之以威武六 學易記下經

心勤政彼病之以逸豫君心憂亂彼病之以無樂君

九五字于剥有属象曰字于剥位正當也 空虚聽信小人而不信君子則傾危必矣故曰孚于 雷氏口剥之為義陰剥陽小人剥君子字于剥則聽 春秋傅曰介在東鄙介隔也 信小人而點退君子之謂也孟子曰不信仁賢則國 晦卷日上六陰柔為說之主處說之極能妄說以剥 剥有厲東漢之末信羣官而錮天下之賢唐玄宗信

实之日東全書 一 李林甫德宗信盧杞皆所謂孚于剥者也九二剛中 天位有剛健中正之德而曰乎于剥何也作易者夏 於早也小人不辨之於早則其始雖微其終亂不可 君子之象也上六陰桑不中小人之象也九五不應 為矣此所以稱剥也繁辭所謂其言曲而中其事肆 五陰充之上六一陰而稱剥何也作易聖人辨小人 而隐者為此類也孚于剥者暗弱之事也九五居於 九二近上六而承之故有信小人不信君子之象剥 學易記下經

上六引光象曰上六引光未光也 雷氏曰陽為實陰為虚上六以陰居一卦之外則是 稱孚于剥深戒人君遠佞人也 說聖人之所憂也故九五雖以陽居陽其位正當而 問為邦而孔子答以遠佞人上六陰桑不正而極於 主有時而信之是以巧言令色孔壬雖舜猶畏顏淵 畏小人之甚也蓋君子則剛鯁正直格君之非小人 則阿媚諛說順君之欲媚說以順其欲則雖剛明之



渙亨王假有廟利涉大川利貞 萃草則漁難故當萃聚難漁之時宜其先於有廟以 至而有廟則雜散者聚矣萃與海其義相類難渙則 難亦為海居海得散而事散天下之難亦亨也王道 此為其漁散故立比以牧之 伊川曰風行於水上水遇風則渙散所以為渙也 白雲口海者離散之義天下離散為海而散天下之 明道日萃海皆享於帝立廟因其精神之聚而形於

灰足日華 至書 故萃稱王假有廟致孝享而又曰用大牲吉浜則止 也海者除難散釋之時也沒者萃之始萃者海之盛 雷氏曰萃海皆曰亨王作有廟萃者天下歸往之時 致孝享也利涉大川木行水上之才也利貞者海難 曰王假有廟盖孝享之道雖在所先然豊儉隨時而 假有廟之義也 配天而後其道盡故象又言享於帝立廟所以終王 以是為徳之先也經曰孝莫大於嚴父嚴父莫大於 學易記下經

录曰海亨剛來而不窮桑得位乎外而上同王假有廟 王乃在中也利沙大川東木有功也 來則不窮極於下而處得其中桑之往則得正位於 伊川曰海之成海由九來居二六上居四也剛陽之 斯須而失之哉 外而上同於五之中異順於五乃上同也卦才如是 亂險難既散不正則險難復作然則中正之道其可 不可同也海與萃皆言利貞盖離散既合不正則復 濟於險難而卦有東木淡川之象涉則有濟海之功 此故云至於有廟拯海之道極於此也治海之道當 道在得其中而已孟子曰得其民有道得其心斯得 条得位而上同卦才之義皆主於中也王者拯浜之 求得其中攝其心之謂也中者心之象剛來而不窮 時王者次合人心至於有廟乃是在其中也在中謂 故能亨也王假有廟之義在萃卦詳矣天下離散之 民矣享帝立廟民心所歸從也歸人心之道无大於

た と り 年 年 等 夢易記下経

象曰風行水上海先王以享于帝立廟 雷氏曰享上帝立宗廟者屯難解散四方既平之事 散之謂也夫水為險加之以風則其險尤甚風行水 敵患難日不暇給其可議郊廟之事乎海者屯難解 也漢高祖之起豊沛唐太宗之起晉陽當此之時冠 散矣此海之所以亨也 誠齊曰王乃在中言王者中正之徳足以散大難也 白雲白大川難也來水濟難之方也濟難有功則難

|九足日年至書 | 誠齊曰卦解言王假有廟舉其略也象曰享于帝立 險難創基之時也故稱先王而謂之立廟馬 順天下之心因其勢而濟之則其離除亦速除難既 散冠亂略平郊廟祭祀之禮豈可緩哉且沒者始離 離除父速此風行水上為海之義王者遭險難之時 於水雖有波濤之險然舟楫得風而順之則其濟川 上而為海之象何也盖巽為風為木而有順意風加 學易記下經 ニナル

初六用拯馬壯吉象曰初六之吉順也 故能拯漁馬謂二也二有剛中之才初陰柔順兩皆 供卷曰享帝以報本立廟以告成 无應无應則親比相求初六条順而託於剛中之才 以拯其涣如得壯馬以致遠必有濟矣故吉初之於 方始而拯之則不至於海也馬人所託也託於壯馬 所以吉也六爻獨初不云海者離散之勢辨之宜早 川口六居卦之初海之始也始海而拯又得馬壮

次定四車全書! 九二海奔其机悔亡象曰海奔其机得顧也 該齊口君子當平世為霧中之豹為淵中之龍如酣 時惟五為能拯天下之海而已奔之則得所依矣故 失位之悔亡奔者速辭也夫人情莫不欲安而惡危 而二奔於五則即安美故曰得願也 徐氏曰机者物之可憑以為安者五之象也當海之 易時之順也 以吉者以其能順從剛中之才也海拯於始為力則 學易記下經

宗以濟大川之難也机者君所憑也不言君而言机 位逢九五剛明中正議異之君猶當奔奏而赴之 然而改尹奔湯以濟内溝之難也合築而起說奔高 寢而不聞非楊也君子當亂世為決川之禹為救小 之濟難而況居大臣之位乎得其志願何悔之有 而已九二以剛中之才當險難之世就使无大臣之 之偽雖焚溺而不避非墨也吉凶與民同患當其

六三海其躬无悔象曰海其躬志在外也 钦定四軍全書! 六四浜其草元吉海有丘匪夷所思象曰浜其草元吉 内不止二而外應上九是无拯海之心而求自免也 横渠曰援上而進惟求自脱于險无悔而己非能及 體柔之故 注曰海之為義內險而外安者也 學易記下經

九五浜汗其大號浜王居无谷象曰王居无谷正位也 散人之疾而至於愈者汗也釋天下之難而至於 条同類平常之見所能思及也元吉光大不亦宜平 類也謂三與初也海天下之難其功用甚大固非除 言海天下之難非九五剛中之君不能也夷等也 陰道以喪朋為正近不止三而遠不應初能沒其意 以六四近臣得位而不在險中故能如此 以承五也五中正居尊丘之象也沒有丘盖

上九海其血去逊出无谷象曰海其血速害也 浜之時難在内也三居險陷之極上與之應從之則 惟王者居之乃得无谷无咎者盡善之謂也無注并 者號令也雖然令出惟行弗惟反亦海汗不反之義 大君之正位也居之者的非王道則不稱其位矣故 大政也再云海者上謂海之時下謂處海之道也五 也可不慎乎大號大政令也謂新民之大命救海之

次定日事全書

學易記下經

節亨苦即不可貞 邕不遠董卓而卒及於禍其臨川伊 尚遠故逃出而後无谷張翰避趙王倫得此道也祭 履險之小人鮮不夷滅能與海離則其傷免矣群 異之極為能異避其間者所有也血傷也逃遠也去 與之俱傷矣九以陽剛處險之外有出險之象又居 伊川曰事既有節則能致亨通故節有亨義節貴適

卷二

度不傷財不害民 **录口節亨剛桑分而剛得中苦即不可貞其道窮也說** 灾定四車全書 一 以行險當位以節中正以通天地節而四時成節以制 節之所以亨通者以剛桑分而剛得中也剛桑分謂 貞以其道(窮也天下之理中則可久苦節過)中是其 中過則苦矣豈能常也不可固守以為常不可貞也 之剛剛得中謂二五之剛得中而不過也苦節不可 分乾之剛以節坤六五之桑分坤之桑以節乾九三 學易記下經

通天下之志者也天地節而四時成言天地陰陽之 義也言九五當位居尊以主天下之節既中且正能 道窮而不能久也又指上六以戒苦節之過說以行 氣進退有節所以成歲也 說道行之甘節是也當位以節中正以通此再釋亨 險以二體言也節之為義近於嚴峻是行險也然以 也不然則大冬大夏而已安能成四時乎坤之六五 白雲曰剛節桑謂冬之有春也桑節剛謂夏之有秋

R 2 9 32 2 45 象曰澤上有水節君子以制數度議徳行 節之成次是太陰而節以少陽冬之有春之象也 傷財傷財則害民矣故愛人必先於節用 象也天地之節於此可見聖人立制度以為節故能 君子觀節之象以制立數度凡物之大小輕重高下 之九三節之成光是太陽而節以少陰夏之有秋之 伊川口澤之容水有限過則盈温是有節故為節也 不傷財不害民盖人欲无窮尚非節以制度則侈肆 學易記下經

初九不出户庭无谷象曰不出户庭知通塞也 議謂商度也 者存諸中為徳發於外為行人之德行當議則中節 者之制器用宮室衣服莫不有多寡之數隆殺之序 佚卷曰制數度所以為節也議德行欲其中節也古 文質皆有數度所以為節也數多寡度法制議德行 户庭户外之庭門庭門内之庭初以陽剛處不得中 以是為節故貴賤上下各安其分而不踰越也

COLUMN TO THE TOTAL TOTA 九二不出門庭凶象曰不出門庭凶失時極也 時不出无以通天下之志以至於傷財害民也遂 庭无谷謂宜慎默不妄動也知通塞者横渠謂見塞 安於慎點樂於退藏不求進達者也聖人應九二 於九二未可動也 之口汝勿堅於退藏失時極也極中也故口不出門 九二以剛中之才體說而上无應與是有成物之 一復有應是躁於上進者也故聖人戒之曰不出户 學易記下經

一新定四月五三 六三不節若則嗟若无谷象曰不節之嗟又誰咎也 極而在人上挟其說豫充盈之勢驕矜侈汰不知自 節之為義適中而已六三不中不正以免該除录之 節者也凡人遇吉則喜遇凶則嗟必矣又誰咎哉言 告高宗之戒傳說有云若**歲大旱用汝作霖雨是**歲 庭凶謝安不起其如鶯生何凶在蒼生而不在安也 之豐凶係乎霖雨也 己自取之也三居澤之極故溢而不節

六四安節亨象日安節之亨承上道也 強節之安於即者也故能致亨節以安為善強守而 後論之則六三居不中正来剛履險不知節者也 坎體水也水上溢為无節就下有節也如四之義非 不安則不能常豈能亨也四能安即之義非一象獨 伊川曰四順承九五剛中正之道是以中正為節也 以陰居陰安於正也當位為有節之象下應於初四

學易記下經

白雲曰自卦之初論之則六三所以節剛自生爻之

一飲定匹庫全書一 九五甘節吉往有尚象曰甘節之吉居位中也 白雲日安節自安而己而人未必安甘節則施之於 舉其重者上承九五剛中正之道以為節足以亨矣 餘善亦不出於中正也 宜矣盡即之大者是以往有尚也詩所謂如月之恒 之道九五居中履正以甘節節天下上下同之其吉 己施之於人皆不以為苦故无往不可所以為人君 九五以剛節桑六四安而承之故亨

味也甘節者節之以中也九五當位以節中正以通 雷氏曰土位中央土爰稼穑稼穑作甘然則甘者中 財不害民身安而說豈非甘乎故居則吉往則有尚 故稱甘馬且稼穑之甘悅人之口節之甘悅人之心 此亦甘之義也施諸己則儉而中禮施諸外則不傷 安定口味之甘人所嗜也即之道人所惡也今五為 制即之主能以中正為之使人樂從所以得其古矣 如日之升者其往有尚之意歟盖言日進而无己也 學易記下經

一金定四库全書 上六苦節貞凶悔亡象曰苦即貞凶其道窮也 節之道也民歡樂而子來之有尚之道也 中則為苦節何吉之有哉故象曰甘節之吉居位中 **莭之吉以其居位得中六三過中則為不即上六過** 也由此觀之節貴得中明矣禹平宮室而盡力乎溝 言天下莫不貴而尚之悅而慕之也九五所以得甘 伊川口悔損過從中之謂也 渔惡衣服而致美乎黻冕文王卑服即康功田功甘

|||| 発下 中孚豚魚吉利涉大川利貞 飲定四庫全書 人 中孚為卦在全體則三四中虚中虚則无我在二體 則二五中實中實則忠信 能堪於以自節亦非可久之道如是為貞則凶矣夫 苦節不可貞而上六固守故山而道寫也 伊川口上六之悔亡與他卦異盖言悔則凶亡矣 白雲曰上六居節之極盖節之過者以苦節人固不 學易記下經 手八

·录曰中字桑在内而剛得中說而異字乃化邦也豚魚 應乎天也 吉信及豚魚也利涉大川来木舟虚也中字以利貞乃 守信之道在乎堅正故利於貞也 說而異字者以和說之道入於人心則人皆信之乃 杂在內則其虚足以感物剛得中則其實可以存誠 則无不至矣所以吉也忠信可以蹈水火況淡川乎

伊川口豚躁魚冥物之難感者也字信能感於豚魚

象口澤上有風中字君子以議獄緩死 大足日車至書 一 字貞而已孟子曰不誠未有能動者中字所動細而 覺淡危化邦有不足為者矣其為劉 期而集而況人乎故曰豚魚古至誠以涉險如乗虚 能化邦也豚魚物之冥頑而无知者飼之以信則應 信豚魚大而應乎天馬往而不動哉海客之機心海 舟舟虚則无沉覆之患中孚而貞則應乎天天之道 人未知温鳥先知燕客之忮心春人未覺而白虹先 學易記下經)1]

誠齊曰風无形而能震川澤鼓幽潛誠无象而能動 有司天下之中孚也天下中孚則萬心一心矣鳥巢 用用之大者其惟好生不殺乎故中子至誠不殺之 好生之心巢中之鳥不為海上之漚乎中庸曰誠不 心首用之以議獄緩死好生治民舜之中孚也不犯 天地感人物澤上有風所以為中孚心一誠而誠萬 可掩議獄者求其入中之出緩死者求其死中之生 可窥沉豚魚乎无他不殺之心字於烏耳使无誠怒

初九虞吉有他不無象口初九虞吉志未變也 誠是故中孚之誠不可不防其有他也然責子在初 **誠齊曰邪不開不可與言存誠偽不去不可與言著** 議獄而緩其死也 中孚之世鮮有故犯過失為辜情在可恕是以君子 疏曰風行澤上无所不周其猶信之被物无所不至 至元惡大姦不在是典故四凶无議法少正卯无緩

新定匹居全言! 謂有他者也如樂寇賊如避風雨察吾心一毫有他 矣一貞之外无非妄一誠之外无非偽妄與偽皆所 也虞吉志未變見於中孚之初九防心之法也虞之 之法也問有家志未變見於家人之初九開家之法 開家亦在初防心亦在初若生子在初見於書青子 則惕然而不安則防之周矣不忠不信不習當如曾 而防之俟其亡而追炎而撲曲而採決而隄則噬臍 為言防也做无虞戒不虞是也不及其初志之未變

其子和之中心願也 之, 學易記下經 九二鳴鶴在陰其子和之我有好爵吾與爾靡之象曰 爵也良貴也靡共也同也人之善性本同也惻隱之 鶴鳴於幽陰之中而其子和之者必至之理中心之 願不期應而應之也好爵者乃益子所謂尊爵也天 克者四其庶矣乎不燕不安也 不無謂非安於中孚之道者也

子之所省者三勿視勿聽勿言勿動當如顏子之所

當力 六三得敵或鼓或罷發或这或歌象回或鼓或罷位不 孟子仁義忠信之辨好爵之義後世殆難明也 惟郭子和有所不安而以美道釋之然其說亦晦微 爵為爵禄之爵言人為爵禄之心同殊非中孚之 其言善則千里之外應之況其獨者乎說者多以好 白雲曰自一卦論之則三四為虚中自爻言之則六 心人皆有之是吾與爾同也繁辭曰君子居其室出 悲之則无泣也或樂之則无歌也舉无得敵之理則 來如投虛然或怒之則无鼓也或因之則无罷也或 能忘敵有我之過也惟中孚虚己无與為敵外物之 或困之則罷或悲之則泣或樂之則歌四者有感於 其道全矣 外而動於中者也感於外而動於中不能忘敵也不 不立已何得敵之有得敵則有已故物或怒之則鼓 三之不當位又不若六四之能虚己也且中孚之道 學易記下經 四十二

六四月幾望馬匹亡无谷象曰馬匹亡絕類上也 望則敵矣臣而敵君禍敗父至故以幾望為至盛馬 **匹亡四與初為正應匹也孚道在一四既從五若復** 之至當子之任者也月臣象也月幾望盛之至也已 伊川曰四為成孚之主居近君之位處得正而上信 六三之所以得敵以有私係之心也 上從五則无咎類謂應也係初則不進不能成孚之 下條於初則不一而害於字為有谷矣故絕其類

九五有字學如无谷象曰有字學如位正當也 待言而後見哉位正當者盖美其有天徳而居天位 道者也天下之心固結學如盖不期然而然者矣然 之无谷大意相類即聖人處无過之地也其吉也何 爻辭不稱吉而止稱无咎者何哉此爻无咎與艮卦 九五中正居尊下无係應誠而不私可謂盡中孚之

學易記下至

欽定匹庫全書 上九翰音登于天貞凶象曰翰音登于天何可長也 逆而不順可知也逆而不順何可久也孟子曰七 雞之所以名翰音者以將鳴則必振戛其羽也飛鳥 月之間雨集溝灣皆盈的為無本其涸也可立而待 之中善鳴而不善飛者唯難為然故取以為喻中孚 也故聲聞過情君子恥之人有无實之虚名遂任之 之為卦桑在内而剛得中也上九剛在外而不中中 无其實而名高之象飛鳥之音宜下不宜上登於天

飲定四庫全書一人 下大吉 過亨利自可小事不可大事飛鳥還之音不宜上宜 高顯之位以有所正則必有敗事之凶趙以趙括正 位而不中小過之義也 陽大陰小四陰二陽又二五中位皆陰居之二陽失 伊川口過者過其常也若矯枉而過正過所以就正 拒秦之師晉用殷浩將以正桓温能勿凶乎氏部 學易記下經

蒙曰小過小者過而亨也過以利貞與時行也柔得中 鳥之象馬飛鳥遺之音不宜上宜下大吉上逆而下順 是以小事吉也剛失位而不中是以不可大事也有飛 盖順理也過而順理其古公大 亨義利貞者過之道利於貞也不失時宜之謂正過 不遠也不宜上宜下謂宜順也順則大吉過以就之 所以求就中也所過者小事也飛鳥遺之音謂過之 也事有時而當然有待過而後能亨者故小過自有 當過而過乃非過也時之宜也乃所謂正也二五陰 欲速朽聞斯行之有父兄在其言皆小有所過也時 注曰矯枉過正應時所宜不可常也上則乗剛逆也 小有所過然後偏者反於中而得亨矣喪欲速貧死 小過小者過而亨也謂事有失之於偏獨其失父待 下則承陽順也

飲定四庫全書

条得位能致小事吉耳不能濟大事也大事非陽

學易記下經

子儉 象曰山上有雷小過君子以行過乎恭喪過乎哀用過 過內二陽外四陰有飛鳥舒異之象飛鳥遺音能下 伊川曰雷震於山上其聲過常故為小過君子於事 不能上上則逆而下則順也議齊言 非二五皆非得位中孚虚中而實外舟虚之象也小 之才不能濟三不中四失位是以不可大事也凡剛 之宜過者勉之行過乎恭喪過乎哀用過乎儉是也

初六飛鳥以凶象曰飛鳥以凶不可如何也 奢也寧倫喪與其易也寧威是也 率作天下之不及故於斯三者寧欲其過馬禮與其 耿氏曰天下之中制賢者過之不肖者不及聖人欲 應於四有不安其分而欲上之心宜下而欲上宜止 而欲進則必有行險僥倖非分妄求之事如飛鳥務 初六以陰柔之質其分在下宜以止靜安分者也上 學易記下經

當過而過乃其宜也

其君臣不可過也 六二過其祖遇其如不及其君遇其臣无咎象曰不及 新庆 匹库在 書 其父祖其義一也祖者人之始故初有祖之象陽 上而不已故曰以凶言用此以致也不可如何也猶 也二之位過於初故曰過其祖不及於三故曰不 君而二民九三以陽居一卦之上故有君之象如配 小過之義小者過則小人過君子臣過其君子孫過 云吾末如之何也已矣取雷

九三弗過防之從或找之凶象曰從或戕之凶如何也 過乎君則有犯上之嫌故象曰不及其君臣不可過 矣何咎之有哉故曰无咎盖過乎祖則有繼世之 學易記下经

乃合臣之分此忠於國之道也孝與忠臣子之道書

則孝於家之道也以順正之道上承其君而不僭

順正之道履其祖武而位望過之其德可以配其祖

其君子孫之位望過其父祖則所以顯其父祖也

之位不當也往属公戒終不可長也 ,四无咎勿過遇之往厲必戒勿用永貞象曰弗過 陽居陰在上卦之下而又下應於初則是能量甘 雷氏曰九四剛失位而不中其稱无咎何也九四以 而至也 防之若不能防之而從馬則戕之者至而凶矣戕害 也義與或擊之同盖從小人乃致凶之道或者有時

新定四月全建 |

九三弗能過上六故曰弗過大者不能過小者則宜

钦定四庫全書一人 及於敗故曰往厲然則如之何必敬戒潔身以防 以遇小人亦不可遂與同流而俱往往則與小人 曰遇之孔子不絕陽虎是也君子和而不流雖遜 過小人亦當遜言以相待遇不可甚疾而遽絕之 君子君子失位而不能過小人陽為君子陰為小 九四君子之失位者也故曰弗過君子失位而不能 學易記下經

圖小不圖大務下不務上者也初在下而欲上故

四在上而欲下故无咎小過之時小人得位而勢過

此之時君子自守其正久而不改以待天時之復斯 逆天者亡小過之時君子當彩言以遠害而已其可 終不可長也小人得志君子失位皆天也順天者存 過之矣九四君子矣其艱如此者失位而已故象曰 得志而終不久此所以往則危也故象曰往属公戒 大有為乎故曰勿用猶乾之初九不可以有為也當 可矣故曰永貞小人不可長而君子永貞則然有以 人之患故口必戒此危行言遜之道也小人雖

六五密雲不雨自我西郊公弋取彼在穴象曰密雲不 密雲而終不可為雨者次於西郊而不行豈真不能 位不當也 戒之口公弋取彼在穴君子之居此尚无意 東坡曰己上者勢不可復下之辭六五之權足以為 若取其在穴者以自明於天下而天下信之在穴者 ·謀深也當是時也必有穴其間而為之用者

九三日 平公等

學易記下經

陰過之禍庶乎其可无也 陰氣盛而上陽氣微而不能和則為密雲而不能為 密雲不雨自我西郊拍上六而言也陰陽和則為雨 於彼在穴者弋而取之而去其所謂腹心之隱疾則 陰物也所謂五之腹心是也公謂五也五若无他則 權專於陰所乃臣過其君之象也上六陰桑不中之 雨故口密雲不雨西陰之所也自我西郊則陰盛而 小人而居亢極之位是屯其君之膏雲雖密而不能

已亢也 次定四車全書 一 一六弗遇過之飛鳥離之凶是謂炎青象曰弗遇過之 遇之也上六日弗遇過之謂弗與陽合而過之也小 君上之通稱 庶乎其可息也已上猶云已極謂不可不取也王公 之龍居高位自以為安五能弋而取之則陰過之禍 九四曰弗過遇之言君子失位不能過越小人而待 學易記下紅 五十

為雨也弋射而取之也穴者陰之所安也小人得君

既濟亨小利貞初吉然亂 也是謂災青盖言災由自作也觀深葉董卓之徒則 用故為既濟天下萬事已濟之時也 伊川口為卦水在火上水火相交則為用矣各當其 可知矣其杀雷 而无所託則顛隆必矣離猶罹也所謂自遺其咎者 得志疎遠君子騎亢過極其凶父矣如飛鳥窮

道窮則變未濟終馬故終亂也終亂不亂則在人耳 甚明然則既濟之亨可知矣初吉者既濟无不吉也 也小者亨也之句與凶如何也古相承也同 陰萬物既成也利貞者時既濟矣固宜貞固以守之 聖人慎終如始又豈有終亂之道乎 下三陸六爻皆亨是以大亨小也子夏傅曰陽已下 既濟亨之大者也而云亨小者劉氏謂三陽得位能 白雲曰已濟難為既濟方將濟難為未濟名卦之

學易記下經

得中也然正則亂其道窮也 录曰既濟亨小者亨也利貞剛桑正而位當也初古桑 吉然止則亂者止謂難止則亂至也猶上六濡首之 厲是也難止則亂至有不至者何也盖難止亂至者 皆盡之解利貞者以六爻剛桑皆當位而濟以是知 其利貞也六二条得中也初二皆卦之始也故為初 白雲曰小者皆亨故曰既濟小或未亨非既也既者 ◆當然也有不至者聖人維持之力也

秦滅六國而秦自滅晉平吳亂而晉自亂隋取亡陳 内憂此鄢陵之勝范文子所以憂晉之必禍也盖人 而隋自亡惟聖人能內外无患自非聖人外寧必有 人皆懼於預舟莫或懼於覆車是以初吉而終亂也 險者濟何憂之有然人皆做於洪流莫或做於夷塗 小者亦亨沈大者乎盖无一人不亨无一物不亨无 事不亨也如濟川馬舎川而陸舎丹而較危者安 學易記下經

誠齊曰出多難而入无難是為既濟之世當是之時

象回水在火上既濟君子以思思而豫防之 窮矣故戒之曰利貞又曰終止則亂其道窮也剛柔 謂上六朵怠自盡非克然既濟之才 怠則亂聖人見其初吉而探其終亂惟能守之以貞 固而不移持之以憂動而不怠則可以免終亂而不 之常情多難則戒戒則憂憂則吉无難則驕驕則怠 伊川曰水火既交各得其用為既濟時當既濟惟慮 正謂六爻剛居剛位桑居桑位桑得中謂六二終止

初九曳其輪濡其尾无谷象曰曳其輪義无谷也 徳量力而進不能濟而取各也既濟之初九以曳輪 濟而致禍亂者盖不能思患而豫防也 患害之生故思而豫防使不致於患也自古天下既 應而當既濟之初難既濟而猶濡其尾信乎非小才 未濟之初六濡其尾以陰桑之才當未濟之初不度 小智之所能也雖濡其尾於義何咎 而濡尾見其用力之難也以陽剛得正之才上復有 , 21), In 1837 學易記下經 五

時與九五陽剛中正之君為之應然阻於三而間於 戒之曰勿逐不久當自復也管蔡之誇周公公不強 四志不得行猶婦喪其弟不可行之象也雖然中正 久當自辨也卦有六位七則變矣七日謂時變也 之道无終廢之理剛明之君雖小人蒙蔽於一時 王氏皆以為首節六二有文明中正之德當既濟之 一婦喪其弟勿逐七日得象曰七日得以中道也 一以陰居中婦象也弟婦人出以自蔽者也馬氏

低せ たとりること 九三高宗伐鬼方三年克之小人勿用象曰三年克之 誠齊曰未濟水濟者寧既濟水過於濟者傾九三當 賢君一入其說輕用軍師以代遂方之小夷猶久而 心此小人之好太喜功而不可用者也雖以中與之 既治之後挟重剛之資居炎上之極有求過於濟之 學易記下經

此義也來該

而王自悟燕王上官之譖霍光光不言而帝自察即

宜易而難宜速而久宜福而禍而況其餘乎武帝承 單氏曰思方者逐而在除上六之謂也往歷三爻三 後勝既勝而中國之民亦惟且因矣以賢君代遠夷 也故曰小人勿用 鄭氏曰无事之時捨內治而幸邊功者皆小人故之 比類也善處既濟者其惟光武却臧宮馬武之請乎 文景之後而伐匈奴太宗當貞觀之隆而征高麗皆

疑也 でこう ヨ とこる 四編成非有衣神文語如然日戒祭回終日戒有所 雷氏曰纁也衣神也皆無寒之具也既有纁又有衣 白雲曰既濟思患而豫防而六四又為多懼之地近 疑者雖未有患以多懼而豫防之也 既濟而遂忘未濟之難也終日者言无怠時也有所 為繒采盖其意以謂勿以新繒而忘散初亦猶勿以 君居險是以有為有衣袖之戒被敝衣也說文謂總 學易記下經 五五

殺牛不如西鄰之時也實受其福古大来也 五東鄰殺牛不如西鄰之論祭實受其福象曰東 揚子曰大寒然後索衣表不亦晚乎此亦有備无患 疏曰牛祭之盛者禴殷春祭之名祭之薄者也九五 終日戒謂備患之心无時可忘也 居既濟之時而處尊位物既濟矣將何為馬其於 **神則防患之至也暑極則寒生自然之理也**

一六濡其首厲象曰濡其首厲何可久也 能修徳雖復殺牛至盛不為思神歆饗不如我西鄰 倫祭雖薄能修德致敬合於祭祀之時故神明降福 者祭祀而已祭祀之盛莫盛修徳九五履正居中動 上六陰桑不能持盈何可久也將入於未濟矣入於 不為妄修徳者也的能修徳雖薄可變假有東鄰不 **禾濟省先犯馬故曰濡其首厲厲者危之也其所以**

東足日草全書 一·

學易記下經

五十六

隠者 生異之問其姓名與居則失之矣易傳曰聞之成都 視之指未濟卦問馬先生曰何也曰三陽皆失位先 晦卷口事未成之時也 伊川先生過成都坐於所館之堂讀易有造桶者前 白雲曰惟聖人通其變而不至於極則无是危矣 危之其其知變而能改也

卷六

未濟亨小孤汽時部濟濡其尾无攸利录曰未濟亨桑 灾 包 車 全書 得中也小狐汔濟未出中也濡其尾无攸利不續終也 雖不當位剛桑應也 窮也乃生生不窮之義既濟曰亨未濟亦曰亨既濟 盖易者變易而不窮也既濟則物之窮也未濟則未 與不濟而已故以是二卦終馬先既濟而後未濟者 六十四卦終於未濟既濟者凡人事之終始惟曰濟 之亨已然之亨也未濟之亨將然之亨也未濟之時 學易記下經

亨之理非初六陰桑小人所能濟也小人之才譬之 虚中之德與九二剛中大徳之臣同心以濟則有可 濡其尾无攸利者言濟難大人之事惟六五有文明 条得中上下剛桑雖不當位而皆相應也小狐汽濟 狐狐者邪媚之獸雖能度水濡尾則不能濟又小馬 所以幾濟而濡其尾无攸利也為人君者當知剛中 有亨之理而卦才復有致亨之道所謂卦才以六五 力弱矣始雖能涉未出險中終億而力不能續

象曰火在水上未濟君子以慎辨物居方 是也居方者猶居上居下是也君子觀未濟之象 慎辨物居方者欲其所居各得交濟之道無若火 交不相為用是以為未濟物之有辨者如水火之 白雲曰火性炎上而 水上而不相為用也不然則物各自止其所在君 深切著明哉意思 學易記下經 `在上水性潤下而在下二者不 五十八

君子為可任邪媚

小人斷不可用也易之取象豈不

初六濡其尾各象曰濡其尾亦不知極也 才力而妄欲有濟是不知可至之道也无凶而至於 白雲白初六陰柔在下居險之中而上應九四是小 何慎之有 孤欲濟之象然不能有終而濡其尾是陰桑不足 伊川曰獸之濟水必揭其尾濡其尾言不能濟也 吝者得其應以為之助耳 有濟故各也極至也度可至而至之智者之事不

新定四庫全書 ·

炭

九二曳其輪貞吉象曰九二貞吉中以行正也 大三日子 二十二 白雲回曳其輪者將以有行也九二剛中之才居險 矣是以有曳輪濟難之漸固守是道无不吉也中以 中未能有濟必得九二剛中之臣相與為應乃可言 難之中剛而有濟故曳其輪貞吉也夫六五之君桑 正也既濟初九曳輪而已濟者也未濟九二曳輪而 九居二中之德也以中之德行道之正故曰中以行 行正者其曳輪也所以輔其君以有濟之道正也以 學易記下經 五九

九四貞吉悔亡震用伐鬼方三年有賞於大國象曰貞 六三未濟征凶利涉大川象曰未濟征凶位不當也 於才者也若獨行以濟難則凶矣然險中有出險之 也故曰利涉大川集黃齊 理應剛有可濟之道況切比於二陽乎與之共濟可 者以見濟難之時日力甚艱而後有濟故也 將濟者也夫濟者宜有用舟之象而二卦皆言曳輪 六三以陰柔之資當險難之極而位下卦之上位浮

吉悔亡志行也 弗克違夫如三四言曆无膚其行次且既濟與未濟 中反對之爻其取象多相類損益二五言十朋之龜 三四皆有鬼方之伐聖人於既濟之三則以高宗伐 之極也古之人用力之甚者伐思方也故以為義卦 九四居近君之地有剛明濟難之才以其居陰故戒 以貞固則古而悔亡不貞則不能濟而有悔也震動

決定四車至書 一天

鬼方為戒於未濟之四則以伐鬼方為功盖既濟之

學易記下經

六五貞吉无悔君子之光有孚吉象曰君子之光其暉 衆久而後能成功猶春秋凡土木興作之役雖當父 雷氏曰先言貞吉悔亡而後言伐思方先自治而後 世利用静未濟之世利用動也然未濟九四亦必曰 有賞於大國謂有功而受賞於大國也 二年者以與師遠伐雖出於不獲已猶戒其勞民動

古也 道宜其吉而无悔矣君子之光者謂君國子民之 孰有光於是者乎光盛則有暉暉者光之散光被天 下之古上云貞古者正一身之古也下云古者光被 之伐人君不以尊位自居而樂於虚已待賢固守是 六五条中文明之君虚己而有容故賢者樂為之 下之謂也有孚吉者以五與二四相孚乃得光被天 以濟天下之難是以九二有曳輪之吉九四有鬼方

灾 己日二十五十五


學易記下經


上九有孚于飲酒无谷濡其首有孚失是象曰飲酒濡 天下之古也故象曰其暉古也無来

首亦不知節也 君子始於憂勤終於逸樂夫以未濟之初志存不懈 以至於濟當此之時與忠臣嘉賓飲酒宴樂可也武


信得此樂也然不可恃其治安飲酒无節以至於沈 王在鎬飲酒而魚藻美之故曰有孚于飲酒无谷言

溺則復入於,未濟矣坐王沈 酒而賓之初筵刺之





謹案第二頁後二行自午而消漸衰而至於虚刊 第十六頁後五行命或不可順而欲以剛强之刊 第十頁後五行在於旅之時刊本關旅字今補 本之說知今改 本消漸二字記倒今改





校 對 膠 官 官 銀 檢 編 監 討修 生 臣 臣 臣 李 王 青 鍾

健

標